

四川名勝志卷之二十三

閩中曹學佺能始著

下川南道屬

瀘州 直隸布政司

領納谿合江江安三縣

漢江陽縣蜀志曰魏武屯漢中諸葛亮出屯江陽是也水經曰江水又東過江陽南洛水東南注之酈道元註曰江陽縣枕帶雙流據江洛會漢景帝六年封趙相蘇嘉為侯國○洛水與綿水合至州西方山下謂之綿水口通志云廢綿水縣在綿水溪口汶江水中洲上梁置縣宋省入江安矣○洛四川名勝志 卷之三十一

水逕資中謂之中江又謂之支江支江水從富義縣鴛鴦池屈曲方至州城與汶川合流又有赤水源從昌州昌元縣界流入去合支江○合江在州治東蜀江與之溪合流處之溪源出仁懷縣其形曲折如之字○悅江在州治東北源出戎縣浩武箐經羈縻悅州因名○思晏江在州治西四里源出古思晏縣○宋江在州治東百步源出大壩兒北洞經宋州故名任汲記云淙流東北貫其隅卽此○李塹西山堂記云郡得名為瀘者蓋始因梁大同中嘗徙治馬湖口置瀘州蓋馬湖卽瀘水下

流因遠取瀘水以名州也志云宋制置使余玠遷州治于神臂山已在百里外號鐵瀘城元始還故處以瀘川縣省入○勾公權瀘川縣解記云江陽氣候偏陽夏秋炎燠冬無苦寒每逢蒸溽如傍挹火爐鞮○孫義叟修城記瀘控西南諸夷遠逮夔蠻最爲邊隅重地元豐以來用武臣其後始更置儒守錢若水以右贊善拜茲官宋太祖召見于武德殿謂之曰瀘川最近蠻獠尤宜綏撫益重之矣○方輿勝覽云整暇堂雅歌堂俱宋時建在郡圃之內○四香亭淳熙中郡守趙公建自題云永嘉四川名勝志

何希深之言曰茶蘼香春芙蓉香夏木樨香秋梅花香冬斯名以之○南定樓取出師表語也陸務觀詩行遍梁州到益州今年又作渡瀘遊江山重樓爭供眼風雨縱橫亂入流一名海觀侍郎閻蒼舒詩雲南之陰大江東二水奔騰如海衝誰能具此壯觀眼南定樓中今卧龍○水經注江中有大門小門焉季秋之月則黃鱗死漚也郡國志瀘江水中有大闕季春三月黃龍堆沒闕卽平昔尹吉甫子伯奇至孝後母譖之自投此堆衣苔帶藻與江水出沒忽夢見水仙美樂揚聲悲歌按曹植之

惡禽論韓愈之履霜操皆指此事志謂州東三里歸子山相傳伯奇溺處○三國董允墓在州治東今名董允壩○東崑在汶江之東紹興中邦人開創大像依崖不足以庇風雨近歲有庖者祁天親死廬舍棄俗奉香火于此崖邦人信之不十年重樓複屋佛宮經藏甲于境內碑目黃太史大像記醉僧圖碑刻並在此崑之開福寺○州東二十里潭中一小山相傳下有龍窟二水交流清濁不混每春漲其山若浮通志云卽龍馬潭也唐王昌遇落魄仙授以道術比歸售馬送道童于澤前得馬

四川名勝志

卷之三

三

乘之瞬息至家而馬化龍入潭潭上有冲虛碧梧二觀俱宋建○龍女洞在城東南二十五里高崖之畔有二穴俗傳爲龍女洞李吳巖嘗遊有留題○雙井在城西偏宋紹興中掘濠塹得碑乃唐乾元中蘇德充所聞○滴乳泉在城西真如寺自崖石中流出味甚甘魯直經行大書此三字碑目云唐真如寺碑在本寺內山谷集云瀘州大雲寺西偏崖石上有其泉滴瀝一州泉味皆不及也余名曰滴乳泉山谷又跋常山公書云常山公書如霍去病用兵所謂顧方畧如何耳不至學孫吳至其

得意處乃如戴花美女臨鏡笑春後人亦未易超
越紹聖五年五月晦避暑瀘州大雲寺子茂携此
書來妄意評之如此○寰宇記云尹吉甫江陽人
有祠在城南碑目李沆記周尹吉甫實生此地見
于圖經舊矣陳帥損之于報恩觀又作穆清堂祠
焉觀酈道元水經注江陽異聞與華陽國志頗類
其載揚雄琴清英敘伯竒流放并子安之操附于
江陽雄蜀人也其說必有據○勝覽云寶山在州
城南初名堡子山爲巡簡解陳公損之移解山西
建堂其上袁公說友榜其堂曰江山平遠易堡子

四川名勝志

卷之三

四

爲寶山大書揭之下瞰城郭萬瓦鱗集兩江合流
郡國志一名瀘峰山高三十丈地多瘴三四月渡
之必死惟五月上旬渡之卽無害故諸葛亮云五
月渡瀘也李真西山堂記云以常璩華陽國志及
辛怡顯雲南錄攷之諸葛渡瀘乃在越嶲之地非
瀘之寶山也木龍崖在寶山之趾有古榕木盤結
夭矯如龍黃魯直爲題榜○通志云瀘州寶山之
瀘峰有武侯廟每歲蠻人貢馬相率拜于廟前宋
劉光祖詩云蜀人所至祠遺像蠻徼猶知問舊碑
紀勝云黃太史書砥柱銘碑在瀘峰高寺○三泉

在寶山嵌崑間昔王大過鑿山濬泉榜以茲名○
志云州南玄妙觀有紫房洞唐應靜煉丹于此丹
竈石牀尚存有煉丹井亦唐真人酌挹之所又云
沿南二里茶蘩洞石刻茶蘩洞三字西南有飛雲
洞爲唐庚讀書處按于西丹稜人徙居瀘之安夷
門外自號魯國先生有文集行世○瑞鹿山在州
城南五代周時道士尹希巖開剎有白鹿往來山
中故名仍建瑞鹿亭于上○龍建關世傳諸葛武
侯立距州南七里○方山在州西南四十里又名
回峰其山八面下瞰江流有魏武帝廟唐玄宗勅
四川名勝志

卷之三

五

王

文華陽國志云方山蘭祠昔漢光武微時過江陽
有一子望氣者言江陽有貴兒氣王莽使求殺之
光武卽位後爲子立祠因怒謫江陽人不使冠帶
通志云巔池在方山之頂周圍一里有龍潛其中
○勝覽云北巖在州城北舊有小菴尚書楊汝明
旣爲大剎又創五峰書院以爲士友會課之所○
志云州北二里撫琴臺山石生成周圍七尺昔尹
伯奇投江吉甫登其上鼓于安之操焉○州北有
薑亭郡人王綸以母姜氏卒終身不敢食薑因植
薑于亭側以志不忘○州東北二十里特凌橋宋

治平中有女子因母病歸省溪漲不能渡忽見一木橫凌水面遂舍生以濟既度失木所在○通志州東北有餘甘渡唐子西瀘川六言云百斤黃鱸鱸玉萬戶赤酒流霞餘甘渡頭客艇荔枝林下人家○拙溪在州東北七里黃山谷過而墜馬自以爲拙呼爲拙溪書大字于石見存○山谷有瀘州中壩葛氏竹林留題云江南黃庭堅自焚道蒙恩放還元符三年十二月道出江安江安宰石諒信道以親親見留作歲建中靖國元年正月丙寅置酒中壩葛氏之竹林而別○淳熙元年知瀘州李

四川名勝志

卷之三十三

六

王

燾進續資治通鑑前編自宋治平以後至南渡以前事凡六十年總爲二百八十卷俱在本州修輯

江安縣

在州西南一百二十里

本江陽縣地晉置縣曰漢安隋兩用之而易今名

○漢地里志犍爲之漢陽縣也注曰犍爲都尉治

山有關谷漢水所出矣今縣南七十里連天山漢水出焉又西南有漢陽山以在漢水之陽也廢漢

陽縣當在此二山間○寰宇記云涇灘在縣南三

十里灘上有山刺天瀑布飛洒相傳武侯誓蠻之

地唐涇南縣設焉縣有綿水鄉卽古之綿水縣有

思晏江卽古之思晏縣矣○志云有縣市有井市
宋南渡後置南井監在縣東北監有鳳凰山山上
有雁塔刻唐五代以來進士題名○勝覽云偶住
亭在江安縣之對建中初魯直自夔道還過邑宰
石諒同遊此亭書琴操後改爲渡瀘亭碑曰瀘州
平夷記熙寧中范百祿撰今在江安偶住亭側志
云北城街有渡瀘碑亭宋時范百祿立自載其平
夷事迹今碑止存篆額熙寧甲寅平夷之記八字
○都巡簡使鄧吳陽安濟廟記曰吾邑城外汶江
流其東涓溪滙其左溪上陰崖峭峙草木蔚下
四川名勝志 卷之三
七

臨深潭蒼黯寒碧有神宅焉號曰五龍○紀勝云
鏡子山在江安縣南五里又名照山一峰中峙兩
峰旁翼二溪交流菴廬梵室金碧交輝旁有二潭
爲龍所居禱旱輒應山有眠雲石龍淵橋玳瑁崖
磨鎌溪爲一邑勝遊之地○廢綿水縣在綿水溪
口今爲綿水鄉

納谿縣

在州城南
四十一里

宋紹定初割江安之地而立納谿蓋唐羈縻之納
州也納水源自阿朶蕃部出唐之羈縻州流至縣
西門與瀘江合○志云縣東一里有樓子山層峰

疊嶂若樓閣然三里有掇旗山相傳諸葛武侯豎旗于此以誓蠻人其遠者爲保子寨倒馬關石虎關皆通梓柯且蘭交趾諸夷○治西有寺其地產青白石似玉曰玉林寺治北十里爲舊縣基昔人掘得銅犧象樽一太和羨盃二爵三貯于學宮○縣西南有舞鳳山山勢起伏橫開如鳳之舞故名

合江縣

在州城東百二十里

符合義通漢符縣也東漢爲符節縣水經曰江水東過符縣北邪東南鮒部水從符關東北注之酈道元註曰縣故巴夷地漢武帝建初六年以唐蒙

四川名勝志

卷之三

八

爲中郎將從萬人出巴符關者也漢元鼎二年立王莽之符信矣縣治安樂水會水源南通寧州平夷郡鬯縣北逕安樂縣界之東又逕符縣下北入江漢縣長趙祉遣吏先尼和以求建元年十一月詣巴郡沒死成濡灘子賢求喪不得女絡年二十五有二子五歲以還至二年二月十五日尚不得喪絡乃乘小舟至父沒處哀哭自沈見夢于賢曰二十一日與父俱出至日父子果浮出江上郡縣上言爲之立碑○寰宇記云安樂山在縣東五里八十步羣峰峭拔瀑布千尺天寶六年敕改爲合

江山圖經安樂山在合江西五里三峰俱秀溪流
遶其下有石櫃爲行人藏經之所岐而左有爛柯
跡後有仙影隱隱在石壁中岐而右歷木楠臺山
人屋十二盤至剪刀峽循山有八洞通南崖有石
曰許由瓢又有芙蓉城滴水崖白猿洞此三峰之
景也黃山谷記云安樂山劉真人飛昇之所真人
字善慶初卜居時曰棘道平益氣濁而不清江安
方山氣清而不秀成山而清秀惟安樂山耳乃居
之碑曰高唐宗取丹經詔碑賜進經道士詔碑劉
真人藏經碑俱在此山志云本山經書峽中世傳
四川名勝志

卷之三

九

蜀有黃澤書在揚子雲之前藏于名山其峽峭削
人跡不到○吏隱閣記曰宋治平四年鄧太師綰
作邑于瀘川曰瀘之合江邑居之南轉清溪而上
六七里曰安樂山世傳隋開皇劉珍先生登真之
地杜光庭傳李淑記開皇所置三觀其一尚在乃
命道士作劉真人祠堂因名其閣曰吏隱志云安
樂山俗名筆架山唐神童先汪有記今藝文不載
惟載其一絕句云碧峰橫倚白雲端隋氏真人化
蹟殘翠栢不凋龍骨瘦石泉猶在鏡光寒任彼遊
安樂山詩云安樂溪上峰萬木生翠羽孤撐切天

心橫拓壓坤股氣勢西吞夷光芒南定楚雲泉出
石竇淋漓灑玉宇煙蘿纏林梢搖拽垂翠組□安
樂山有天符葉樹一夕大風雨拔去後得於容子
山葉如荔支而長上有紋宛如蟲篆或以爲劉真
人仙跡蘇子瞻詩天師化去知何日玉印相傳世
其珍故國子孫今尚在蒲山秋葉豈能神○安樂
溪側有呂光廟苻秦時光討李益之亂于此又名
登天王祠○縣西南有之溪三遶筆架九遶丁山
過月臺迤邐而去○月臺山在縣南五里三溪旋
遶山足形如臺面列十二月波上有晉王廟祀唐
四

李克用又五里卽丁山形如丁字倒峙又曰文明
丁火文明之象也有丁公廟其碑乃蕭雲時立○
趙世延先氏書崑記云合江之北有神臂山呀然
虛開清窈竦深廣袤百十步飛泉簾垂列巘屏轟
嵐光林影映帶左石與塵叩迥隔山之麓卽先氏
書崑也志云鍊瀘城三里有讀書崑父老往往過
之聞書聲後神童先汪七歲至其地曰吾讀書故
處也遂寢處其中爲九經注元虞集跋云涼國公
勲業聞望著于天下我國家之蒼龜也年七十餘
閒居金陵又以文章學問爲吾道砥柱其得于天

而裕于人何其盛哉讀書崖之記序其源委博瞻
考據鄉里晚生後進益有不及聞者吾蜀百千年
故家舊族若先氏崖者多有之矣安得一一表章
于元老之手乎然先氏子孫所恃以不朽有不徒
在于崖者矣謝端跋云端蜀人也流離江漢間幾
十餘年矣某山某水不知幾何所覽讀書崖之記
始知先氏世有賢子孫哉端今老矣行于四方欲
求一畝之居而不可得吾蜀多異人異書何時扁
舟泝江而上從書崖嵐光林影之下求其遺書而
讀之庶幾補過以希前修汝礪其尚不吾却也夫

